

Broj: 02- 49- 2546/10
Mostar, 18.10. 2010. godine

Bosna Hercegovina
Federacija Bosne i Hercegovine
**EKONOMSKO SOCIJALNO VIJEĆE ZA TERITORIJU
FEDERACIJE BOSNE I HERCEGOVINE**

n/p Edhem Biber, predsjedavajući

Predmet: Informacija, dostavlja se -

Veza: Vaš akt broj 03-34/19- 2546 od 07.10.2010. godine

Poštovani,

Recesija je u Evropsku privredu službeno zakoračila u trećem kvartalu 2008. godine. Bruto domaći proizvod zemalja koje dijele zajedničku valutu euro, smanjio se u ovom periodu za 0,2 %, nakon što je u prethodnom kvartalu zabilježena kontrakcija privrede od također 0,2 %. U tom trenutku recesija se i nije toliko osjećala u Bosni i Hercegovini odnosi Federaciji BiH, ali je sasvim izvjesno bilo da recesija nastupa i da joj se ne zna niti trajanje (vremenska dužina), niti dubina (koliko duboko zadire u ekonomiju) niti difuzija (koliko se široko rasprostire).

Cijeneći da će recesija ponajprije pogoditi privredna društva koja izvoze, Federalno ministarstvo energije, rudarstva i industrije još na 68. sjednici Vlade Federacije BiH koja je održana 03.09.2008. godine predložilo dokument „Pravci razvoja namjenske industrije u Federaciji BiH“ kojega je Vlada Federacije BiH usvojila i donijela odgovarajuće preporuke i zaključke. (Uglavnom se radi o organizacionom restrukturiranju postojećih kapaciteta, kadrovskom i tehnološkom osposobljavanju, finansijskom konsolidiranju, osiguranju obrtnih sredstava itd.)

Također, Federalno ministarstvo energije, rudarstva i industrije je u februaru 2009. godine uradilo „Program podrške privrednim društvima koja bi mogla biti pogođena globalnom ekonomskom krizom“.

Između ostalog na osnovu ovog Programa Vlada Federacije Bosne i Hercegovine je donijela određene akte koji se upućuju Vijeću ministara Bosne i Hercegovine, s ciljem pokretanja aktivnosti, odnosno stvaranju preduslova, koji bi osigurali nastavak primjene preferencijalnog tretmana domaćeg od 10% i u 2009. i 2010. godini, pa čak i u 2011. godini. U istim zaključcima predlaže se osnivanje garancijskog fonda

u Federaciji Bosne i Hercegovine koji nije prošao, a o istom je raspravljalo i Ekonomsko socijalno vijeće za teritorij Federacije BiH.

Federalno ministarstvo energije, rudarstva i industrije je nakon objavljene Odluke o usvajanju programa utroška sa kriterijima za raspodjelu sredstava Tekući grantovi- „Podsticaj proizvodnji i prestrukturiranje industrije i rudarstva, konsolidacija rudnika uglja u Federaciji BiH i konsolidacija „Krivaja“ Zavidovići“ utvrđenim u Budžetima Federacije Bosne i Hercegovine i Javnog poziva za kandidovanje programa utroška sa kriterijima za raspodjelu dijela sredstava Tekući grantovi- “Podsticaj proizvodnji i prestrukturiranje industrije i rudarstva” donijelo Rješenja o raspodjeli sredstava Federalnog ministarstva energije, rudarstva i industrije, Tekući grantovi – „Podsticaj proizvodnji i prestrukturiranje industrije i rudarstva“, u toku 2009. i 2010. godine za više od 100 privrednih društava, uglavnom privrednim društvima sa većinskim udjelom državnog kapitala. (Raspoređeno je više od 80 miliona KM)

Na prijedlog Federalnog ministarstva energije, rudarstva i industrije, Vlada Federacije BiH usvojila je, i u parlamentarnu proceduru uputila Informaciju o stanju u metalnoj, elektro i namjenskoj industriji u Federaciji Bosne i Hercegovine sa analizom utjecaja recesije i prijedlogom zaključaka. Sindikat metalaca BiH također je imao Informaciju vezanu za ovu problematiku i Parlament Federacije BiH prilikom rasprave o Informaciji o stanju u metalnoj, elektro i namjenskoj industriji u Federaciji Bosne i Hercegovine sa analizom utjecaja recesije i Informaciji koju je sačinio sindikat usvojio i objavio Zaključke („Službene novine Federacije BiH“, broj 40/09). Ovi zaključci ne tretiraju samo metalnu, elektro i namjensku industriju nego i druge industrijske grane kao što je prehrambena, tekstilna itd..

Vlada Federacije Bosne i Hercegovine je na svojoj 106. sjednici održanoj 15.06.2009. godine u Sarajevu imenovala Interresornu radnu grupu za izradu Akcionog plana za provođenje Zaključaka Parlamenta Federacije BiH, a Akcioni plan usvojila na svojoj 118. sjednici koja je održana 25.09.2009. godine.

Federalno ministarstvo energije, rudarstva i industrije je predložilo, a Vlada Federacije BiH je na svojoj 121. sjednici održanoj 21.10.2010. godine donijela određene zaključke – obavezujuće smjernice vezano za realizaciju Zaključka broj 1. („Službene novine Federacije BiH“, broj 40/09), u smislu smjernica svojim predstavnicima u skupštinama i nadzornim odborima za privredna društva koja su tretirana u Akcionom planu za izvršenja uplata penzijskog staža na jedan od načina:

- prodajom nefunkcionalnog dijela privrednog društva ukoliko takav dio postoji u privrednom društvu,
- podizanjem kreditnih sredstava u komercijalnim bankama,
- potpisivanjem ugovora sa Zavodom PIO/MIO za reprogram uplate penzijskog staža u skladu sa Zakonom o naplati i djelomičnom otpisu dospjelih, a ne naplaćenih doprinosa za socijalno osiguranje,
- ratnih potraživanja u skladu sa Zakonom o utvrđivanju i načinom izmirenja unutarjih obaveza Federacije Bosne i Hercegovine,
- sredstva iz pasivnog podbilansa (prioritetno za društvo iz oblasti namjenske industrije.

Nadalje, Vlada Federacije Bosne i Hercegovine je na svojoj 136. sjednici održanoj 08.03.2010. godine u Mostaru, usvojila Prijedlog projekta "Razvoj industrijske politike u Federaciji Bosne i Hercegovine".

Dana 27.04.2010. godine, Ekonomsko-socijalno vijeće za teritorij Federacije Bosne i Hercegovine je također usvojilo Prijedlog projekta.

Zastupnički dom Parlamenta Federacije Bosne i Hercegovine usvojio je Prijedlog projekta na nastavku 30. sjednice koja je održana 11.05.2010.godine, a Dom naroda Parlamenta Federacije Bosne i Hercegovine usvojio je Prijedlog projekta na 31. sjednici, koja je održana dana 22.06.2010. godine, te objavljen je Zaključak Parlamenta Federacije Bosne i Hercegovine o usvajanju Projekta: "Razvoj industrijske politike u Federaciji Bosne i Hercegovine" („Službene novine Federacije BiH“, broj 40/10).

Projekat, nakon što je usvojen, dorađen je u nekim elementima od Konzorcija po sugestijama određenog broja zastupnika Parlamenta Federacije BiH i kao takav u skladu sa Ugovorom dostavljen Federalnom ministarstvu energije, rudarstva i industrije na upotrebu i daljnje aktivnosti.

Kako je u pitanju interresorska aktivnost, Vlada Federacije BiH je na svojoj 155 sjednici koja je održana 26.08.2010. godine imenovala Radnu grupu za izradu Akcionog plana za realizaciju projekta „Razvoj industrijske politike u Federaciji Bosne i Hercegovine“ („Službene novine Federacije BiH“ broj 59/10).

U slijedećih mjesec dana Rana grupa će Vladi Federacije BiH ponuditi Prijedlog Akcionog plana za realizaciju projekta „Razvoj industrijske politike u Federaciji Bosne i Hercegovine“ kojega će nakon usvajanja na Vladi Federacije BiH trebati usvojiti i Parlament Federacije Bosne i Hercegovine.

Federalno ministarstvo energije, rudarstva i industrije već dulje vrijeme radi u skladu sa usvojenim Projektom i rezultat toga je i određeni broj usvojenih zakonski rješenja i drugih akata. Konačna verzija u tri jezičke varijante nalazi se na www.fmeri.gov.ba.

Vašim aktom broj 03-34/19- 2546 od 07.10.2010. godine ste tražili od Federalnog ministarstva energije, rudarstva i industrije da pripremi *Informaciju o poduzetim aktivnostima na prevazilaženju teške situacije u privredi, sa osvrtom na najugroženija preduzeća*. Obavještavamo Vas da Federalno ministarstvo energije, rudarstva i industrije nije jedino zaduženo za poduzimanje mjera i aktivnosti kako bi e prevazišla teška situacija vezana za ekonomiju, nego i druga ministarstva odnosno cijela Vlada Federacije BiH.

Ministarstvo redovito izvještava Vladu Federacije BiH vezano za privredna društva iz svoje nadležnosti tako da je Vladi Federacije BiH nakon održanih godišnjih redovnih skupština upućeno i uskoro će Vlada Federacije BiH raspravljati o slijedećim aktima:

- Izvještaj o poslovanju privrednih društava iz oblasti rudarstva u 2009. godini u kojima Federalno ministarstvo energije, rudarstva i industrije ostvaruje upravljačka prava po osnovu državnog kapitala,
- Izvještaj o poslovanju privrednih društava namjenske industrije u Federaciji Bosne i Hercegovine za 2009. godinu,
- Izvještaj o poslovanju privrednih društava iz oblasti energije u 2009. godini u kojima Federalno ministarstvo energije, rudarstva i industrije ostvaruje upravljačka prava po osnovu državnog kapitala

- Izvještaj o poslovanju privrednih društava iz oblasti industrije u 2009. godini u kojima Federalno ministarstvo energije, rudarstva i industrije ostvaruje upravljačka prava po osnovu državnog kapitala,

Imajući u vidu

da je Vlada Federacije Bosne i Hercegovine na 88. sjednici održanoj 04.02.2009.godine usvojila Operativni plan za implementaciju Socijalnog sporazuma za period 2009 – 2010. godine i program mjera za ublažavanje posljedica globalne ekonomske krize i unapređenje poslovnog ambijenta,

da Federalno ministarstvo energije, rudarstva i industrije nije jedino ministarstvo za stvaranje pozitivnog ambijenta vezano za privredu u Federaciji BiH,

da više ministarstava u Federaciji BiH i na nivou kantona imaju i dijele poticajna sredstva za pojedine skupine privrednih subjekata,

da se uskoro očekuje formiranje nove Vlade Federacije BiH, vlada kantona i Vijeća ministara BiH,

pa stoga predlažemo Ekonomsko socijalnom vijeću za teritorij Federacije BiH i predlagaču ove tačke Samostalnom sindikatu Bosne i Hercegovine da sačekaju novi saziv Vlade Federacije BiH i od nje traže **analizu stanja u privredi i prijedlog novih aktivnosti vezano za stvaranje povoljnijeg i privlačnijeg ambijenta za razvoj privrede u Federaciji BiH** i privrede u BiH općenito.

S poštovanjem,

MINISTAR

mr. sc. Vahid Hećo

Dostavljeno:

- naslovu,
- evidenciji i
- a/a